



## **Turkiy davlatlar tashkiloti Bosh kotibining tabrigi**

---

Men Turkiy davlatlar tashkiloti (TDT) Bosh kotibi sifatida "Fargʻoniy" Fazo Kompaniyasining ilk sunʻiy yoʻldoshi FGN-100-d1ning fazoga muvaffaqiyatli uchirilgani munosabati bilan chin yurakdan tabriklayman. "Baykar" boshqaruv kengashi raisi Seljuk Bayraktar Janoblari boshchiligida erishilgan bu muvaffaqiyat Turkiy dunyoning ijodkorligi va qatʻiyatini yana bir bor namoyish etdi.

TDT tomonidan Buxoroda tashkil etilgan "Yoshlar platformasi" tadbirida Bayraktar Janoblari Turkiy dunyoning iqtidorli yoshlari bilan ishtiyoq ila baham koʻrgan loyihaning amalga oshganini koʻrganimdan bagʻoyatda xursandman. Ildizlari uzoq asrlarga borib taqaladigan ushbu muvaffaqiyat butun Turkiy dunyo uchun katta gʻurur va quvonch manbaidir.

Mazkur loyiha mushtarak ilmiy merosimizni qayta tiklash orqali kelajak avlodlarga ilhom bagʻishlab, Fargʻoniy va Ulugʻbek kabi allomalar merosini eʼtirof etadi. Shu bilan birga, Turkiy dunyoning global fazo innovatsiyalari sohasidagi salohiyati yuksalib borayotganini namoyish etadi.

Bundan tashqari, bu muvaffaqiyat Turkiy davlatlar tashkilotiga aʼzo davlatlar oʻrtasida kosmik texnologiyalar sohasidagi hamkorlikni rivojlantirish yoʻlidagi muhim qadamdir. TDT kotibiyati ushbu muhim sohadagi hamkorlikning taraqqiy etishida oʻz qatʻiyatini yana bir bor tasdiqlaydi. Biz koinotni tadqiq qilish sohasida oʻzaro imkoniyatlarimizni mustahkamlash yoʻlida tajriba va texnik nou-xau almashish uchun platforma yaratishni maqsad qilganmiz.

Fikrlarim soʻngida, ushbu olamshumul loyihaning hayotga tatbiq etilishiga jalb qilinganlarni yana bir bor iliq tabriklayman.

**Kubanichbek Omuraliyev**

**Turkiy davlatlar tashkiloti Bosh kotibi**